

四庫全書

集部

欽定四庫全書

花草粹編卷九

明 陳耀文 輯

小令

少年遊

晏同叔

重陽過後西風漸緊庭樹葉紛紛朱欄向曉芙蓉妖艷  
特地鬪芳新 霜前月下斜紅淡藥明媚欲回春莫將  
瓊萼等閒分留贈意中人

二

霜華滿樹蘭彫蕙慘秋艷入芙蓉  
臙脂嫩臉金黃輕藥  
猶自怨西風  
前歡往事當歌對酒無限到心中  
更憑  
朱檻憶芳容腸斷一枝紅

三

芙蓉花發去年枝雙燕欲歸飛  
蘭堂風軟金爐香暖新  
曲動簾帷  
家人拜上千春壽深意滿瓊卮  
綠鬢朱顏  
道家裝束長似少年時

四

謝家庭檻曉無塵芳晏祝良辰風流妙舞櫻桃清唱依  
約駐行雲榴花一盞濃香滿為壽百千春歲歲年年  
共歡同樂喜慶與時新

晏叔原

綠勻欄畔黃昏淡月攜手對殘紅紗窗影裡朦朧春  
睡繁杏小屏風須愁別後天高海闊何處更相逢幸  
有花前一盃芳酒歡計莫忽忽歡作歸

二

西溪丹杏波前媚  
臉珠露與深勻  
南橋翠柳烟中愁  
黛絲雨惱嬌顰  
當年此處聞歌殢  
酒曾對可憐人  
今夜相思水長山  
遠閒卧送殘春

三

離多最是東西流  
水終解兩相逢  
淺情縱似行雲無定  
猶到夢魂中  
可憐人意薄於雲  
水佳會更難重  
細想從來斷腸多  
處不與這番同

四

西樓別後風高露冷無奈月分明飛鴻影裡搥衣砧外  
總是玉關情 王孫此際山重水遠何處賦西征金閨  
魂夢枉丁寧尋盡短長亭

五

雕梁燕去裁詩寄遠庭院舊風流黃花醉了碧梧題罷  
閒卧對高秋 繁雲破後分明素月涼影掛金鈎有人  
凝盼倚西樓新樣兩眉愁

歐陽永叔

去年秋晚此園中攜手翫芳叢  
拈花嗅藥惱烟撩霧拚  
醉倚西風今年重對芳叢處  
追往事又成空敲遍闌  
干向人無語惆悵滿枝紅

閨怨

柳耆卿

日高花榭嬾梳頭無語倚粧樓  
脩眉歛黛遠山橫翠相  
對結春愁王孫走馬長楸陌  
貪迷戀少年遊似恁疎  
狂費人拘管爭似不風流

游宴

長安古道馬遲遲  
高柳亂蟬嘶  
夕陽島外秋風原上目  
斷四天垂  
歸雲一去無蹤跡  
何處是前期  
狎興生疎酒徒蕭索不似去年時

秋思

參差烟樹霸陵橋  
風物盡前朝  
衰楊古柳幾經攀折  
憔悴楚宮腰  
夕陽閒淡秋光老  
離思滿蘅皋  
一曲陽關斷腸聲盡  
獨自上蘭橈



美人

層波瀲灩遠山橫一笑一傾城  
酒容紅嫩歌喉清麗百媚坐中生  
牆頭馬上初相見不準擬恁多情  
昨夜更闌洞房深處特地快逢迎

相思

簾垂深院冷蕭蕭花外漏聲遙  
青燈未滅紅窻閒卧遠夢去迢迢  
薄情謾有歸消息鴛鴦被半香銷  
試問伊家阿誰心緒禁得恁無聊

又

一生贏得是淒涼追前事暗心傷好天良夜深屏香被  
爭忍便相忘王孫動是經年去貪迷戀有何長萬種  
千般把伊情分顛倒儘猜量

蘇東坡

去年相送餘杭門外飛雪似楊花今年春盡楊花似雪  
猶不見還家對酒捲簾邀明月風露透窻紗恰侶姮  
娥為憐雙燕明照畫梁斜

周美成

并刀如水吳鹽勝雪纖手破新橙錦幄初溫獸烟不斷  
相對坐調笙低聲問向誰行宿城上已三更馬滑霜  
濃不如休去直是少人行

二

朝雲漠漠散輕絲樓閣淡春姿柳泣花啼九街泥重門  
外燕飛遲而今麗日明金屋春色在桃枝不似當時  
小樓衝雨幽恨兩人知

三

簷牙縹緲小紅樓涼月掛銀鈎  
牀席笙歌透簾燈火風景似揚州  
當時面色欺春雪曾伴美人遊  
今日重來更無人問獨自倚欄愁

曉行

林少瞻

霽霞散曉月猶明疎木掛殘星  
山逕人稀翠蘿深處啼鳥兩三聲  
霜華重逼雲裘冷心共馬啼輕  
十里青山一溪流水都做許多情

井桃

張子野

碎霞浮動曉朦朧  
春意與花通  
銀瓶素縷玉泉金甃真  
色浸朝紅  
花枝人面難常見  
青子小叢叢  
韶華長在  
明年依舊相與笑東風

杜壽域

小軒深院是秋時  
風葉墮高枝  
疎簾靜永薄帷清  
夜暑退覺寒微  
淒涼天氣離愁意  
音信杳難期  
多情成病  
不須醫  
更憔悴轉尋思

二

小樓歸燕又黃昏  
寂寞鎖高門  
輕風細雨惜花天氣  
相次過春分  
畫堂無緒  
初燃絳蠭羅帳  
掩餘薰  
多情不解怨  
王孫任薄倖  
一從君

杜壽域

雙螺未合雙蛾先  
歛家在碧雲西  
別母情懷隨卽滋味  
桃葉渡江時  
扁舟載了忽忽去  
今夜泊前溪  
楊柳津頭  
梨花牆外  
心事兩人知

長至

毛滂

遙山雪氣入疎簾  
羅幕曉寒添  
愛日騰波朝霞入戶  
一線過冰簷  
綠樽香嫩蒲萄暖  
滿酌破冬嚴  
庭下早梅已含芳  
意春近瘦枝南

天祝

弄晴微雨細絲絲  
山色淡無姿  
柳絮飛殘荼蘼開  
罷青杏已團枝  
闌干倚遍人何處  
愁聽語黃鸝  
寶瑟塵生翠銷香減  
天遠雁書遲

趙君舉

曉山日薄半春陰  
煙暖柳拖金  
滿眼新晴  
歌聲樓影悠  
蕩碧波心  
閒亭客散人歸去  
疎雨濕羅襟  
樓閣濛濛  
斷虹明處  
十里暮雲深

迎春樂

晏同叔

長安紫陌春歸早  
顰垂楊染芳草  
被啼鶯語燕催清曉  
正好夢頻驚覺  
當此際青樓臨大道  
幽會處兩情多  
少莫惜明珠百琲  
占取長年少



秦少遊

菖蒲葉葉知多少唯有箇蜂兒妙雨晴紅粉齊開了露  
一點嬌黃小 早是晚來風力暴更春共斜陽俱老怎  
得花香深處作箇蜂兒抱

周美成

清池小圃開雲屋結春伴往來熟憶年時縱酒盃行速  
看月上歸禽宿 牆裏修篁森似束記名字曾刊新綠  
見說別來長汙翠蘚封寒玉

二

人人花艷明春柳憶筵上偷攜手  
趁歌停舞罷來相就  
醒醒箇無些酒  
比目香囊新刺繡連隔座一時薰透  
為甚月中歸長是他隨車後

思遠人

晏叔原

紅葉黃花秋意晚千里念行客飛雲過盡歸鴻無信何  
處寄書得淚彈不盡臨窻滴就硯旋研墨漸寫到別  
來此情深處紅牋為無色

滿宮花

張泌

花正芳樓似綺寂寞上陽宮裏  
鈿籠金鎖睡鴛鴦簾冷  
露華珠翠嬌艷輕盈香雪膩  
細雨黃鶯雙起東風惆悵  
欲清明公子橋邊沉醉

魏承班

雪霏霏風凜凜玉郎何處狂飲醉時  
想得縱風流羅帳  
香幃鴛鴦春朝秋夜思君甚  
愁見繡屏孤枕少年何事  
負初心淚滴縷金雙袵

尹鶚

月沉沉人悄悄一炷後庭香  
裊風流帝子不歸來滿地  
禁花慵掃離恨多相見少  
何處醉迷三島漏清宮樹  
子規啼愁鎖碧窻春曉

瑤池燕

侯鯖錄

飛花成陣春心困寸寸別腸多少愁悶  
無人問偷啼自  
搵殘粧粉抱瑤琴尋出新韻  
玉纖趁南風未解幽愠  
佞雲鬢眉峰歛暈嬌和恨

東坡云琴曲有瑤池燕其詞不協而聲亦怨咽變其詞作閨怨寄陳李常云此曲甚妙勿妄與人云

思越人

張泌

燕雙飛鶯百轉越波堤下長橋鬪鈿花筐金匳匝舞衣  
羅薄纖腰東風澹蕩慵無力黛眉愁聚春碧滿地落  
花無消息月明腸斷空憶

孫光憲

古臺平芳草遠館娃宮外春滿翠黛空留千載恨教人  
何處相尋綺羅無復當時事露花點滴香淚惆悵遙

天橫淥水鴛鴦對對飛起

二

渚蓮枯古樹老長洲廢苑蕭條想像玉人空處所月明  
獨上溪橋經春初敗秋風起紅蘭綠蕙愁死一片風  
流傷心地魂銷目斷西子

鹿虔扈

翠屏歌銀燭背漏殘清夜迢迢雙帶繡窠盤錦薦淚侵  
花暗香銷珊瑚枕膩鴉鬟亂玉纖慵整雲散苦是適

來新夢見離腸爭不干斷

玉團兒

鉛華淡紵新粧束風韻天然異俗彼此知多雖然初見  
情分先熟 爐烟淡淡雲屏曲睡半醒生香透肉賴得  
相逢若還虛過生世不足

用周美成韻

盧炳

綠雲慢綰新梳束這標致諸餘不俗邂逅相逢情懷雅  
合全似深熟 耳邊笑語論心曲把不定紅生臉肉若

得同歡共伊諧老心事忒足

秋夜雨

蔣捷

竹山詞

黃雲水驛秋笳噎吹人雙鬢如雪愁多無奈處謾碎把  
寒花輕攏紅芳轉入香心裏夜漸深人語初歇此際  
愁更別雁影落西窻斜月

八塞

程正伯

好思量正秋風半夜長奈銀缸一點耿耿背西窗衾又  
涼枕又涼露華淒淒月半牀照得人真箇斷腸窻前



誰浸木犀黃花也香夢也香

醉紅粧

張子野

瓊林玉樹不相饒薄雲衣細柳腰一般粧樣百般嬌眉  
眼秀總如描東風搖草襟花飄無計上青條更送雙  
歌郎且飲郎未醉有金貂

結帶巾

中吳紀聞

頭巾帶誰理會三千貫賞錢新行條制不得向後長垂  
與殊服相類法甚嚴人盡畏硬縫闊大帶向前面繫

和我大學先輩被人呼保義

宣和初有旨令士人係結帶巾否則  
違制論士人甚苦之當時有謔詞云

探春令

晏叔原

綠楊枝上曉鶯啼報融和天氣被數聲吹入紗幮裏又  
驚起嬌娥睡綠雲斜軋金釵墜惹芳心如醉為少年  
濕了鮫綃帕上都是相思淚

二

簾旌微動峭寒天氣龍池永泮杏花笑吐香猶淺又還

是春將半 清歌妙舞從頭按等芳時開宴記去年對  
著東風曾不負鶯花願

蔣捷

竹山詞

玉窻蠅字記春寒滿茸絲紅處畫翠鴛雙展金蠅翅未  
抵我愁痕膩 芳心一點天涯去絮濛濛遮住舊對花  
彈玩纖瓊指為粉靨空彈淚

珍珠令

張炎

桃花扇底歌聲杳愁多少便覺道花心開了因甚不歸

來甚歸來不早 滿院飛花休要掃  
待留與薄情知道 知道怕一似飛花和春都老

醉花陰

和江宣德  
醉紅粧詞

沈會宗

微含清露真珠滴怯曉寒脈脈秉燭倚雕欄今日尊前  
盡是多情客 從來應與春相得有動人標格半笑倚  
春風醉臉生紅不是胭脂色

梅

舒信道

月幌風簾香一陣正千山雲盡冷對酒尊傍無語含情

別是江南信 壽陽粧罷人微困更玉釵斜襯擬插一枝歸只恐風流羞上潘郎鬢

送陸宣德

粉輕一捻和香聚教露華休妬今日在尊前只為情多脈脈都無語 西湖雪過難留住指廣寒歸去去後又明年人在江南夢到花開處

九日

李易安

薄霧濃雲愁永晝瑞腦噴金獸時節又重陽寶枕紗幮

半夜秋初透 東籬把酒黃昏後有暗香盈袖莫道不  
銷魂簾捲西風人似黃花瘦

菊花新

風情

柳耆卿

欲掩香幃論繾綣先歛雙蛾愁夜短催促少年郎先去  
睡鴛衾圖暖 須臾放了殘針線脫羅裳恣情無限留  
取帳前燈時時待看伊嬌面

張子野

墮髻慵粧來日暮家在柳橋堤下住衣緩絳綃垂瓊樹

裊一枝紅霧 院深池靜花相妬  
粉牆低樂聲時度長  
恐舞筵空輕化作綵雲飛去

杜壽域

怎奈花殘又鶯老  
檻裏青梅數枝小  
新荷長池沼  
當晴晝  
燕子聲鬧  
亭欄花綻  
顏色好  
風雨催催等閒開了  
酒醒暗思量  
無箇事甚剛煩惱

望江東

黃魯直

江水西頭隔烟樹  
望不見江東路  
思量只有夢來去  
更

不怕江闌住 燈前寫了書無數  
算沒箇人傳與直饒  
尋得雁分付又還是秋將暮

青門引

張子野

天機餘錦

乍暖還輕冷風雨晚來方定  
庭軒寂寞近清明殘花中  
酒又是去年病樓頭畫角風吹醒  
入夜重門靜那堪  
更被明月隔牆送過鞦韆影

望漢月

晏同叔

千縷萬條堪結占斷好風良月  
謝娘春晚先多愁更撩



亂絮飛如雪 短亭相送處長憶得醉中攀折年年歲  
歲好時節怎奈向有人離別

柳耆卿

明月明月何事作圓還缺恰如年少洞房人歡會  
依前離別 小樓凭檻處正是去年時節千里清光又  
依舊奈夜永厭厭人絕

菊

李和文

謾錄 能改齋

黃菊一叢臨砌顆顆露珠粧綴獨教冷落向秋天恨東君

不曾留意 雕欄新雨霽綠蘚上亂鋪金蕊此花開後  
更無花願愛惜莫同桃李

憶餘杭

掃市舞  
詞賦

潘逍遙

湘山  
野錄

長憶西湖湖水上盡日凭闌樓上望三三兩兩釣魚舟  
島嶼正清秋 笛聲依約蘆花裏白鳥成行忽驚起別  
來閒想整綸竿思入水雲寒

古今詞話云石曼卿見此詞使畫工綵繪之作小景  
圖湘山云錢希白愛之自書玉堂屏風 潘閔字逍  
遙狂放不羈坐虛多遜黨亡命乃變姓名僧服入中  
條山後會赦以四門助教召之閔乃自歸送信州安

置仍不懲艾復為掃市舞詞曰出砒霜價錢可贏得  
撥灰兼弄火暢殺我以此為士人不齒故棄終身

南柯子

一名風蝶  
令望秦川

毛熙震

遠山愁黛碧橫波慢臉明膩香紅玉茜羅輕深院晚堂  
人靜理銀箏鬢動行雲影裙遮點屐聲嬌羞愛問曲  
中名楊柳杏花時節幾多情

二

惹恨還添恨牽腸即斷腸凝情不語一枝芳獨映畫簾  
閒立繡衣香暗想為雲女應憐傳粉郎晚來輕步出

閨房髻慢釵橫無力縱猖狂

永叔

鳳髻金泥帶龍紋玉掌梳走來窻下笑相扶愛道畫眉  
深淺入時無弄筆偎人久描花試手初等閒妨了繡  
工夫笑問雙鴛鴦字怎生書

寄意侍妾榴花

東坡

紫陌尋春去紅塵拂面來無人不道看花回惟見石榴  
新蕊一枝開冰簟堆雲髻金尊灑玉醅綠陰青子莫

相催留取紅巾千點照池臺

舞妓

雲鬢裁新綠霞衣曳曉紅待歌凝立翠筵中一朶彩雲  
何事下巫峯 趁拍驚飛鏡回身燕漾空莫翻紅袖過  
簾櫳怕被楊花勾引嫁東風

端午

山與歌眉湊波同翠眼流遊人都上十三樓不羨竹西  
歌吹古揚州 菰黍連昌歎瓊彝倒玉舟誰家水調唱

歌頭聲遶碧山飛去晚雲留

秦少游

愁鬢香雲墜嬌眸水玉裁月曄風幌為誰開天外不知  
音耗百般猜玉露沾庭砌金風動瑄灰相看有似夢  
初回只恐又拋人去幾時來

二

香墨彎彎彎畫燕脂淡淡勻揉藍衫子杏黃裙獨倚玉闌  
無語點檀唇人去空流水花飛半掩門亂山何處覓

行雲又是一鈎新月照黃昏

贈陶心兒

玉漏迢迢盡銀潢淡淡橫夢回宿酒未全醒已被鄰雞  
催起怕天明 臂上粧猶在襟間淚尚盈水邊燈火漸  
人行天外一鈎殘月帶三星

末句蓋  
心字也

贈東坡侍妾朝雲

靄靄凝春態溶溶媚曉光何期容易下巫陽祇恐使君  
前世是襄王 暫為清歌駐還因暮雨忙瞥然歸去斷

人腸空使蘭臺公子賦高唐

霽霽詞話作洩洩  
使君雌黃作翰林

又

夕露霑芳草斜陽帶遠村幾聲殘角起誰音撩亂栖鴟  
飛舞鬧黃昏天共高城遠香餘繡被溫客程常是可  
銷魂怎向人心頭橫著箇人人

又

樓迴迷雲日溪深漲曉沙年來憔悴費鉛華樓上一天  
春思浩無涯羅帶寬腰素真珠溜臉霞海棠開盡柳



飛花薄倖只知游蕩不思家

別思

賀方回

斗酒才供淚扁舟只載愁  
畫橋青柳小朱樓猶記出城  
車馬為遲留 有恨花空委  
無情水自流河陽新鬢儘  
禁秋蕭散楚雲巫雨此生休

春夜

謝無逸

雨洗溪光淨風掀柳帶斜  
畫樓朱戶玉人家簾外一眉  
新月浸梨花 金鴨香凝袖  
銅荷燭映紗鳳盤宮錦小

屏遮夜靜寒生春筍理琵琶

僧仲殊

十里青山遠潮平路帶沙數聲啼鳥怨年華又是淒涼  
時候在天涯 白露收殘月清風散曉霞綠楊堤畔鬧  
荷花記得年時沽酒那人家

塔院層閣

陳去非

矯矯千年鶴茫茫萬里風欄干三面看秋空背插浮屠  
千尺冷烟中 林塢村村暗溪流處處通此間何似玉

霄峰遙望蓬萊依約晚雲東

春景

田不伐

夢怕愁時斷春從醉裡回  
淒涼懷抱向誰開此子清明  
時候被鶯催柳外都成絮  
欄邊半是苔多情簾燕獨  
徘徊依舊滿身花雨又歸來

春思

團玉梅梢重香羅菱扇低  
簾風不動蝶交飛一樣綠陰  
庭院鎖斜暉對月懷歌扇  
因風念舞衣何須惆悵惜

芳菲拚却一年憔悴待春歸

向伯恭

梁苑千花亂隋堤一水長眼前風物總悲涼何況眉頭  
心上不相忘因夢聊攜手憑詩續斷腸已驚蝴蝶過  
東牆更被風吹鴻鴈不成行

石次仲

鳳髻斜分翠鴛鞋小研紅東君著意綺羅叢最好一枝  
特地怨東風懊恨無情語嬌羞忍笑容相看疑是夢

魂中怕逐飛雲歸去斷行蹤

二

疇昔飛鸞侶而今斷鴈行西風嶺外下斜陽無賴一鉤  
新月挂人腸雙泪沾襟袖孤燈對客床枕餘衾剩只  
殘香別得嬌癡不睡也思量

三

春淺梅紅小山寒嵐翠薄斜風吹雨入簾幕夢覺南樓  
嗚咽數聲角歌酒工夫懶別離情緒惡舞衫寬盡不

堪著若比那回相見更消削

四

亂絮飄晴雪殘花綉地衣西園歌舞驟然稀只有多情  
蝴蝶作團飛舊事深琴怨新愁減帶圍倚樓凝望更  
依依怕見一天風雨捲春歸

早春感懷

程正伯

柳弱眠初醒梅殘舞尚癡春陰將冷傍簾幃又是東風  
和恨向人歸樂事燈前記愁腸酒後知老來無計遣

芳時只有閒情隨分品花枝

二

竹粉翻新穉荷花拭靚粧斷雲侵晚度橫塘小扇斜釵  
依約傍牙床 蘸蜜分紅荔傾筒瀉碧香醉時風雨醒  
時涼明月多情依舊過西廂

李蕭遠

嫋嫋秋風起蕭蕭敗葉聲岳陽樓上聽哀箏樓下淒涼  
江月為誰明 霧雨沉雲夢煙波渺洞庭可憐無處問

湘靈只有無情江水遶孤城

顧堂詞

命嘯無人嘯含嬌何處嬌江南烟水太迢迢壁月瓊樓  
空想夜和朝目斷腸隨斷魂消骨更銷瑣窗風雨不  
相饒猶似西湖一枕聽寒潮

新月

洪叔輿

柳浪搖清沼荷風度晚簷碧天如水印新蟾一罅清光  
斜露玉纖纖寶鏡微開匣金鈎未押簷西樓今夜有



人忺應傍粧臺低照畫眉尖

周紫芝

霧帳蘭衾暖薰爐寶篆濃眼波猶帶睡朦朧卧聽曉來  
雙燕語春風螺淺歡餘黛霞銷枕處紅斷雲飛雨怕  
忽忽欲去且留情緒兩忡忡

方錢塘出侍兒

蟬薄輕梳鬢螺香淺畫眉西湖人道似西施人似西施  
濃淡更相宜畫燭催歌板飛花上舞衣殷勤猶勸玉

東西不道使君腸斷已多時

楊時可

怨草迷南浦  
愁花傍短亭  
有情歌酒莫催行  
看取無情  
花草也關情  
舊日臨歧曲  
而今忍淚聽淮山  
何在暮  
雲凝待倩春風吹夢過江城

李易安

天上星河轉  
人間簾幕垂  
涼生枕簟淚痕滋  
起解羅衣  
聊問夜何其  
翠貼蓮蓬小金銷藕葉  
稀舊時天氣舊

時衣只有情懷不似舊家時

曾覲

壁月窺紅粉金蓮映綵山東風絲管滿長安移下十洲  
三島在人間兩兩人初散厭厭夜向闌倦粧殘醉怯  
輕寒手撚玉梅無緒倚闌干

呂居仁

驛路侵斜月溪橋度曉霜短籬殘菊一枝黃正是亂山  
深處過重陽旅枕元無夢寒更每自長只言江左好

風光不道中原歸思轉淒涼

丁酉清明

黃叔暘

天上傳新火人間試袂衣  
定巢新燕覓香泥不為綉簾  
朱戶說相思側帽吹飛絮  
憑欄送落暉粉痕銷淡錦  
書稀怕見山南山北子規啼

嚴仁

柳陌通雲徑瓊梳啓翠樓  
桃花紙薄漬永油記得年時  
詩句為君留曉綠千層出  
春紅一半休門前溪水泛

花流流到西州猶是故家愁

蘇十能

江水粼粼碧雲山疊疊  
奇平生心事一鈎絲便是壺中  
日月更何疑 文叔今方貴  
君房素自癡洛陽塵土浣  
人衣爭似歸來雙足踏漣漪

曾舜卿

桐葉涼生夜藕花香滿時  
幾多離思有誰知遙望盈盈  
一水抵天涯 雨洒征衣淚  
月顰分鏡眉相逢又是隔

年期不似畫橋歸燕解于飛

天下樂

楊無咎

雪後雨兒雨後雪鎮日價長不歇今番為寒忒太初和  
天地也來厮鬪睡不着身心自暗擷况味憑誰說枕  
衾冷得渾似鐵祇心頭些箇熱

又一闕尾句云更闌夜永  
獨自坐倚影兒厮伴著

夢仙郎

寄越

張子野

江東蘇小天斜窈窕都不勝絲鸞嬌妙春艷上新粧肌

肉過人香 佳樹陰陰池院華燈綉幔花月好豈能長  
見離聚此生緣何計問高天

紅窻聽

晏同叔

淡薄梳粧輕結束天意與臉紅眉綠斷環書素傳情久  
許雙飛同宿 一向無端分比目誰知道風前月底相  
看未足此心終擬覓鸞絃重續

二

記得香閨臨別語彼此有萬重心訴淡雲輕靄知多少

隔桃源無處 夢覺相思天欲曙  
依前是銀屏畫燭宵  
長歲暮此時何計託鴛鴦飛去

上林春

東堂

蝴蝶初翻簾綉萬玉女齊同舞  
袖落花飛絮濛濛長憶  
著灞橋別後 濃香斗帳自永漏  
任滿地月深雲厚夜  
寒不近流蘇祇憐他後庭梅瘦

望遠行

李珣

春日遲遲思寂寥行客關山路遙  
瓊窗時聽語鶯嬌柳



絲牽恨一條條 休暈繡罷吹簫貌  
逐花暗凋同心猶  
結舊裙腰忍辜風月度良宵

二

露滴幽庭葉落時 愁聚蕭娘柳眉玉郎一去負佳期  
水雲迢遞寫書遲 屏半掩枕斜欹蠟淚無言對垂吟蛩  
斷續漏頻移入窻明月墜空帷

三

遶砌花光錦綉明 朱扉鎮日長  
局夜寒不去夢難成  
爐

香煙冷自亭亭 殘月秣陵砧不傳消息但傳情黃金  
窻下忽然驚征人歸日二毛生

紅羅襖

周美成

畫燭尋歡去羸馬載愁歸念取酒東壚樽疊雖近採花  
南浦蜂蝶須知 自分袂天闊鴻稀空懷夢約心期楚  
客憶江離算宋玉未必為秋悲

恨歡遲

張尚書

淡薄情懷淺綴胭脂獨占江梅最好是嚴凝苦寒天氣

却是開時也不許  
桃杏鬪妍媸也不許  
雪霜相欺又只恐  
誰家一聲羌笛落  
盡南枝

恨來遲

顧堂詞

柳暗汀洲最春深處  
小宴初開似泛宅  
浮家水平風軟  
咫尺蓬萊更勸君  
吸盡紫霞盃醉看  
鸞鳳徘徊正洞裏  
桃花盈盈一笑依  
舊憐才

雨中花

程正伯

聞說海棠開盡了  
怎生得夜來一笑  
顰綠枝頭落紅點

裡問有愁多少 小院閉門春悄悄禁不得瘦腰如嬾  
豈蔻濃時酴醾香處試把菱花照

二

卷地芳春都過了花不語人含笑花與人期人憐花病  
瘦似人多少 聞道重門深悄悄愁不盡露啼烟嬾斷  
得相思除非明月不把花枝照

永叔

千古都門行路能使離歌聲苦送盡行人花殘春晚又

到東君去 醉藉落花吹暖絮多少曲堤芳樹且攜手  
留連良辰美景留作相思處

王逐客

百尺清泉聲陸續映瀟瀟酒碧梧翠竹面千步迴廊重重  
簾幙小枕欹寒玉 試展鮫綃看畫軸見一片瀟湘凝  
綠待玉漏穿花銀河垂地月上欄杆曲

楊補之

自是雲濕雨潤消不解佯嗔偷悶傾坐精神故人情性

眉際春生暈  
語帶京華清更韻  
聽姪姪驚喉嬌稔別  
後相思心頭欲見覓箇燈花信

二

已是花魁柳冠更絕唱不容同伴畫鼓低敲紅牙隨應  
著箇人勾喚漫引鶯喉千樣轉聽過處幾多嬌怨換  
羽移宮偷聲減字不怕人腸斷

晏同叔

剪翠粧紅欲就折得清香滿袖一對鴛鴦睡未足葉下

長相守 莫傍細條尋嫩藕怕綠刺罨衣傷手可惜許  
明月風露好恰在人歸後

茶瓶兒

元上

趙德莊

淡月華燈春夜送東風柳煙梅麝寶釵宮髻連驕馬似  
記得帝鄉游冶 悅親戚之情話況溪山坐中如畫凌  
波微步人歸也看酒醒鳳鸞誰跨

寄李生

梁意娘

滿地落花鋪綉麗色著人如酒曉鶯窗外啼楊柳愁不

奈兩眉頻皺  
關山香音信悄  
那堪是昔年時候盟言  
辜負知多少  
對好景損成消瘦

石次仲

相對盈盈一水多  
聲價聞名得字副  
能見也還拋棄負  
了萬紅千翠  
留無計來無計成  
何況味而今若沒些  
兒事却枉了做人一世

鬢邊華

梅苑

小梅香細艷淺過  
楚岸樽前偶見  
愛閑淡天與精神青



鬢開人醉眼 如今拋擲經春恨  
不見芳枝寄遠向心  
上誰解相思賴長對粧樓粉面

留春令

黃魯直

江南一鴈橫秋水嘆咫尺斷行千里  
回文機上字縱橫  
欲寄遠憑誰是 謝客池塘春都未  
微微動短牆桃李  
半陰纔暝却清寒是瘦損人天氣

晏叔原

畫屏天畔夢回依約十洲雲水  
手撚紅牋寄人書寫無

限傷春事 別浦高樓曾謾倚對江南千里樓下分流  
水聲中有當日凭高淚

李之儀

夢斷難尋酒醒猶困那堪春暮香閣深沉紅窻翠暗莫  
羨顛狂絮 綠滿當時攜手路嬾見同歡處何時却得  
低幃昵枕盡訴情千縷

浪淘沙

一名賣花聲小  
說作曲入冥

李後主

簾外雨潺潺春意闌珊羅衾不暖五更寒夢裏不知身

是客一餉貪歡 獨自莫凭欄無限江山別時容易見  
時難流水落花春去也天上人間

二

往事只堪哀對景難排秋風庭院蘚侵階一行珠簾間  
不捲終日誰來 金劍已沉埋壯氣蒿萊晚涼天靜月  
華開想得玉樓瑤殿影空照秦淮

永叔

把酒祝東風且共從容垂楊紫陌洛城東總是當年攜

手處遊遍芳叢 聚散苦匆匆此恨無窮今年花勝去年紅可惜明年花更好知與誰同

二

萬恨苦綿綿舊約前歡桃花溪畔柳陰間幾度日高春睡重繡戶深闌樓外夕陽閒獨自憑欄一重水隔一重山水闊山高人不見有淚無言

王介甫

伊呂兩衰翁歷遍窮通一為釣叟一耕傭若使當時身

不遇老了英雄 湯武偶相逢 風虎雲龍興王祇在笑  
談中直至如今千載後誰與爭功

晏叔原

小綠間長紅 露蕊烟叢花開花落 昔年同唯恨花前攜  
手處 往事成空 山遠水重重 一笑難逢已拚長在別  
離中 霜鬢知他從此去 幾度春風

張子野

腸斷送韶華 為惜楊花雪球搖曳 逐風斜 容易著人容

易去飛過誰家 聚散苦咨嗟無計留他行人灑淚滴  
流霞今日畫堂歌舞地明日天涯

曲入冥

趙旭

握管淚盈眸欲寫還休人間情是阿誰留千丈游絲不  
落地風外悠悠 烟雨晚山稠人在西樓幾行候鴈下  
汀洲一箇思鄉寒夜客萬種離愁

美人舞

柳耆卿

有箇人人飛燕精神急鏘環珮上華裯促拍盡隨紅袖

舉風柳腰身 簌簌輕裙妙盡尖新曲終獨立歛香塵  
應是西施嬌困也眉黛雙顰

探春

蘇東坡

昨日出東城試探春情牆頭紅杏暗如傾檻內羣芳芽  
未吐早已回春 綺陌欽香塵雪霽前村東君用意不  
辭辛料想春光先到處吹綻梅英

春情

康伯可

感損遠山眉幽怨誰知羅衾滴盡淚胭脂夜過春寒愁

未起門外鴉啼 惆悵阻佳期人在天涯東風頻動小  
桃枝正是銷魂時候也撩亂花飛

二

愁撚斷釵金遠信沉沉秦箏調怨不成音郎馬不知何  
處也樓外春深 好夢已難尋夜夜餘衾目窮千里正  
傷心記得當初郎去路綠樹陰陰

賀方回

一葉忽驚秋分付東流殷勤為過白蘋洲洲上小樓簾



半掩應認歸舟 回首戀朋遊迹去心留歌塵蕭散夢  
雲收惟有樽前曾見月相伴人愁

朱希真

風約雨橫江秋滿遶窻箇中物色儘淒涼更是行人行  
未得獨繫歸艖 擁被換殘香黃卷堆床開愁展恨剪  
思量伊是浮雲儂是夢休問家鄉

石孝友

好恨這風兒催俺分離船兒吹得去如飛因甚眉兒吹

不展肘耐風兒 不是這船兒載起相思船兒若念我  
孤恁載取人人蓬底睡感謝風兒

杜壽域

後約無憑往事堪驚秋蛩永夜遶床鳴展轉尋思求好  
夢還又難成 愁思若浮雲消盡重生佳人何處獨盈  
盈可惜一天無用月空照為誰明

己未除夜

周少隱

江上送年歸還似年時屠蘇休恨到君遲覓得醉鄉無

事處莫放愁知 紅炮一燈垂應笑人衰鶴長鳬短怨  
他誰明日江樓春到也且醉南枝

程正伯

山盡兩溪頭水合天浮行人莫賦大江愁且是芙蓉城  
下水還送歸舟 魚鴈兩悠悠烟斷雲收誰教此水却  
西流載我相思千點淚還與青樓

洪叔璚

花霧漲冥冥欲雨還晴薄羅衫子正宜春無奈今宵鴛

帳裏身是行人 別酒不須斟難洗離情絲藕如電紫  
騮鳴腸斷畫橋芳草路月曉風清

過龍門

史邦卿

醉月小紅樓錦瑟空夜來風雨晚來收幾點落花饒  
柳絮同為春愁 寄信問晴鷗誰在芳洲綠波寧處有  
蘭舟獨對舊時攜手地情思悠悠

陸務觀

綠樹暗長亭幾把離尊陽關常恨不堪聞何況今朝

秋色裡身是行人 清淚浥羅巾各自消魂一江離恨  
恰平分安得千尋橫鐵鎖截斷烟津

劉後村

紙帳素屏遮全似僧家無端霜月闌窓紗驚起玉關征  
戍夢幾疊寒笳 歲晚客天涯鬢髮蒼華今年衰似去  
年此詩酒近來都減價孤負梅花

虞美人草

辛幼安

不肯過江東玉帳匆匆只今草木憶英雄唱著虞兮當

日曲便舞春風  
兒女此情同往事  
朦朧湘娥竹上淚  
痕濃舜目重瞳  
堪痛恨羽又重瞳

夜泊廬山

徐淵子

鶴林玉露

風緊浪花生  
蛟吼鼉鳴  
家人睡著  
怕人驚  
只有一翁捫  
蝨坐依約三更  
雪又打殘燈  
欲暗還明  
有誰知我此  
時情  
獨對梅花傾一盞  
早又詩成

周晉仙

韓文璞

還了酒家錢  
便好安眠  
大槐宮裏著  
貂蟬  
行到江南知

是夢雪壓漁船 盤礴古梅邊也是前緣驚黃雪白又  
醒然一事最奇君聽取明日新年

張天雨貞居詞云晉仙宋南渡來名士一  
號方泉老人此詞鮮于困學每愛書之

趙子發

濕逗晚香殘春淺春寒洒窻填戶著幽蘭慘慘悽悽仍  
滴滴做出多般 和霰撒珠盤枕上更闌芭蕉怨曲帶  
愁彈綠遍階前苔一片曉起誰看

感舊

幼卿

能改齋  
漫錄

極目楚天空雲雨無蹤謾留遺恨鎖眉峯自是荷花開  
較晚辜負東風客館嘆飄蓬聚散忽忽揚鞭那忍驟  
花驄望斷斜陽人不見滿袖啼紅

二

簾外五更風吹夢無蹤畫樓重上與誰同記得玉釵斜  
撥火寶篆成空回首紫金峯雨潤烟濃一江春浪醉  
醒中留得羅襟前日淚彈與征鴻

鄭意娘

楊思厚妻



盡日倚危欄觸目淒然乘高望處是居延忍聽樓頭吹  
畫角雪滿長川荏苒又經年暗想梁園與民同樂五  
門南僧院仍存宣政字不見鼇山

豐城道中

金叔柔

女  
郎

雨溜和風鈴滴滴丁丁釀成一枕別離情可惜當年陶  
學士孤負郵亭邊鴈帶新聲音信難憑花鬢偷數卜  
歸程料得到家秋正晚菊滿寒城

古杭  
襟記

玉英


塞上早春時暖律猶微仰舒金線柳回堤料得江鄉應  
更好閒盡梅溪晝漏漸遲遲愁損香肌幾回無語歛  
雙眉凭徧闌干十二曲日下樓西

夷堅支  
志五

### 感舊

鄧光薦

疎雨洗天清枕簟涼生井梧一葉做秋聲誰念客身輕  
似葉千里飄零夢斷古臺城月淡潮平便須攜酒訪  
新亭不見當時王謝宅烟草青青



花草粹編卷九